

Elder dan Sister Andersen Mengalakkan Orang Suci yang Berbahasa Perancis untuk Percaya kepada Kristus

Ini adalah pertemuan kawasan yang pertama daripada enam pertemuan rohani yang Gereja adakan pada bulan Februari dan Mac untuk dewasa muda di setiap benua

Seorang Rasul Yesus Kristus dan isterinya membawa pesanan harapan pada hari Ahad, 21 Februari, kepada Orang Suci Zaman Akhir yang berbahasa Perancis di seluruh dunia.

Elder Neil L. Andersen dari Kuorum Dua Belas Rasul Gereja Yesus Kristus Orang Suci Zaman Akhir dan isterinya, Sister Kathy Andersen, berucap pada pertemuan kawasan yang pertama daripada enam pertemuan rohani untuk dewasa muda Orang Suci Zaman Akhir yang berusia 18 hingga 30 tahun. Acara ‘virtual’ (maya) ini diadakan pada bulan Februari dan Mac 2021. Apabila selesai, pertemuan bersama enam orang Rasul ini akan menjangkau Orang Suci Zaman Akhir di setiap benua.

[Video Embed of Elder and Sister Andersen Broadcast](#)

Elder dan Sister Andersen berucap dalam bahasa Perancis. Pemimpin senior itu, yang turut berbahasa Portugis dan Sepanyol, pernah tinggal di Perancis dan Brazil, memulau dengan petikan dari Rasul Paulus yang [dicatat dalam Perjanjian Baru](#): “Beriman bererti yakin sungguh-sungguh akan perkara-perkara yang diharapkan, dan mempunyai kepastian akan perkara-perkara yang tidak dapat kita lihat.”

“Yakin sungguh-sungguh [Bahan]. Kepastian [Bukti]. Inilah iman. Inilah kepercayaan,” kata Elder Andersen, yang berucap secara langsung dari sebuah studio rakaman di Temple Square di Salt Lake City. “Ia nyata. Ia adalah sebahagian daripada diri kita. Roh kita ingin mempercayai Tuhan dan ingin beriman kepada Kristus.”

Rasul kemudian menyampaikan enam nasihat tentang kepercayaan:

1. Percaya kepada Tuhan.
2. Percaya bahawa anda adalah putera atau puteri Tuhan dan Dia mengenali anda secara peribadi dan mengasihi anda sepenuhnya.
3. Percaya bahawa anda boleh berbicara dengan Bapa Syurgawi anda dan Dia akan menyatakan diri-Nya melalui kuasa Roh Kudus.
4. Percaya bahawa kerajaan Tuhan sedang berkembang di seluruh dunia dan kita semua adalah bahagian penting dalam persiapan untuk Kedatangan Kedua Juruselamat.
5. Percaya bahawa orang lain yang anda kenali akan memeluk injil Yesus Kristus.
6. Percaya bahawa Yesus Kristus adalah Juruselamat Dunia.

Pada 13 Mac 2021, jam 9 malam Waktu Standard Gunung, Elder Ronald A. Rasband akan berucap dengan dewasa muda di Asia dan Pasifik. Bagi penonton di Kawasan Asia, pertemuan ini akan tersedia dalam Bahasa Khmer, Bahasa Kantonis, Bahasa Inggeris, Bahasa Indonesia, Bahasa Mandarin dan Bahasa Thai. Untuk maklumat lanjut, sila rujuk halaman rasmi Facebook Gereja tempatan.

Nota: Setiap video YouTube akan tersedia selama 30 hari selepas siaran.